



UITM HARI INI DALAM SEJARAH

19 OKTOBER 1978

ISTIADAT PELETAKAN BATU ASAS ITM CAWANGAN TERENGGANU

Majlis Istiadat Peletakan Batu Asas ITM Cawangan Terengganu telah diadakan pada hari Khamis 19 Oktober 1978 bertempat di Sura Hujung, Dungun Terengganu. Kebawah Duli Yang Maha Mulia Al-Sultan Terengganu telah berkenan mencemar duli dan berangkat melakukan upacara tersebut. Baginda Al-Sultan diiringi oleh D.Y.M.M. Tuanku Ampuan Besar, Duli Yang Teramat Mulia Yang DiPertuan Muda dan Duli Yang Teramat Mulia Tengku Puan Muda yang turut sama berangkat ke majlis tersebut.

Dalam titah ucapannya Baginda Al-Sultan menyatakan rasa gembiranya atas penubuhan Kampus Cawangan ITM di Dungun, Terengganu. Baginda berharap ITM akan terus berjaya mendidik kaum bumiputera supaya dapat melengkapkan diri mereka bagi memainkan peranan yang lebih penting dalam pembangunan negara.



Gambar sekitar Majlis Peletakan Batu Asas oleh D.Y.M.M. Sultan Ismail Nasiruddin Shah, Sultan Terengganu pada 19 Oktober 1978 di Sura Hujung, Dungun Terengganu.

Sumber:

- Warta ITM Oktober 1978.
- Melakar Peristiwa: Pengkisahan Sejarah Kampus-Kampus ITM – UiTM, 2012.